



Broj: 07-07-922-01/05
Mostar, 30.12. 2005. godine

Na osnovu člana 14. Zakona o električnoj energiji („Službene novine FBiH“ broj 41/02, 24/05 i 38/05), člana 37. stav (5) Poslovnika o radu Regulatorne komisije za električnu energiju u Federaciji Bosne i Hercegovine („Službene novine FBiH“ broj 59/04), a u vezi sa članom 49. stav (2) Pravilnika za tarifnu metodologiju i tarifne postupke Regulatorne komisije za električnu energiju u Federaciji Bosne i Hercegovine („Službene novine FBiH“ broj 45/05), Regulatorna komisija za električnu energiju u Federaciji Bosne i Hercegovine – FERK je dana 30.12.2005. godine na XXII redovnoj sjednici donijela sljedeći

ZAKLJUČAK

1. FERK će donijeti odluku kojom odobrava i proglašava važećim tarifne stavove za tarifne (nekvalifikovane) kupce po završetku prvog tarifnog postupka kada Državna regulatorna komisija za električnu energiju donese svoju odluku o privremenoj tarifi za uslugu prenosa i pomoćne usluge, a najkasnije do 01.04.2006. godine do kada se primjenjuju tarifni stavovi u skladu sa odlukom Vlade FBiH („Službene novine FBiH“ broj 57/00).
2. Ovaj zaključak stupa na snagu danom donošenja, te se objavljuje u Službenim novinama FBiH, na oglasnoj tabli i web stranici FERK-a.

Obrazloženje

Članom 14. Zakona o električnoj energiji određeno je da je nadležnost FERK-a utvrđivanje tarifnih stavova za korisnike distributivnih sistema i tarifnih stavova za nekvalifikovane kupce, dok je članom 49. stav (2) Pravilnika za tarifnu metodologiju i tarifne postupke određeno da FERK posebnom odlukom odobrava i proglašava važeće tarifne stavove po završetku tarifnog postupka.

U cilju provođenja odredbi Pravilnika za tarifnu metodologiju i tarifne postupke, FERK je dana 08.11.2005. godine donio Odluku o provođenju prvog tarifnog postupka broj 07-07-745-06/05 po zahtjevima Javnog poduzeća „Elektroprivreda Hrvatske zajednice Herceg Bosne“ dioničko društvo Mostar i Odluku o provođenju prvog tarifnog postupka broj 07-07-745-07/05 po zahtjevima Javnog preduzeća Elektroprivreda Bosne i Hercegovine d.d.-Sarajevo. Po podnesenim zahtjevima FERK je proveo formalne rasprave, izvještaje sa formalnih rasprava dostavio stranama na komentare, zaprimio komentare strana u postupku, te izvršio sve ostale radnje u okviru svojih nadležnosti. FERK je zakazao redovnu sjednicu za



29.12.2005. godine radi rasprave o prvom tarifnom postupku po zahtjevima Javnog preduzeće Elektroprivreda Bosne i Hercegovine d.d.-Sarajevo i rasprave o prvom tarifnom postupku po zahtjevima Javnog poduzeća „Elektroprivreda Hrvatske zajednice Herceg Bosne“ dioničko društvo Mostar.

Do dana održavanja zakazane redovne sjednice FERK-a 29.12.2005. godine, Državna regulatorna komisija za električnu energiju nije donijela svoju odluku o privremenoj tarifi za uslugu prenosa i pomoćne usluge koje čine sastavni dio tarifnih stavova za tarifne kupce, o čemu je obavjestila FERK dopisom koji je u FERK zaprimljen pod brojem 01-01-921-02/05 od 29.12.2005. godine, navodeći razloge za nedonošenje tarifa iz svoje nadležnosti uz napomenu da je realan rok za donošenje ovih tarifa do 01.04.2006. godine.

Zbog navedenog FERK je ocjenio da se najkasnije do 01.04.2006. godine trebaju donijeti i proglasiti novi tarifni stavovi, do kada se primjenjuju tarifni stavovi po odluci Vlade FBiH („Službene novine FBiH“ broj 57/00) po kojima se viši sezonski tarifni stavovi („zimski“) primjenjuju od 01.01. do 31.03. i koji vrijede za kupce koji su u 2006. godini svi tarifni kupci.

Kada se steknu uslovi za donošenje odluke, a najkasnije do 01.04.2006. godine, FERK će donijeti i proglasiti odluku o tarifnim stavovima za kupce na teritoriji Federacije BiH koji su u 2006. godini svi tarifni (nekvalifikovani) i na osnovu koje će doći do promjene važećih tarinih stavova po odluci Vlade FBiH („Službene novine FBiH“ broj 57/00).

Na osnovu navedenog odlučeno je kao u dispozitivu zaključka.

PREDSJEDNIK FERK-a:
Risto Mandrapa ,dipl.ing.maš.